

Sarajevo, 28-01-2026

Broj: 73-11-3-3530

Na osnovu člana 70. Zakona o javnim nabavkama („Službeni glasnik BiH”, broj 39/14, 59/22 i 50/24), člana 48. Statuta KCUS-a (Sl.novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (65-04-2-4654-1 od 01.02.2023.godine) na prijedlog Komisije za javnu nabavku Izvještaj broj 73-33-4-1217-6 od 26.01.2026.godine, Generalni direktor donosi:

ODLUKU

o izboru najpovoljnijeg ponuđača za

„Nabavku materijala i sanaciju unutrašnje i vanjske rasvjete na više lokacija KCUS-a”

I

Prihvata se prijedlog Komisije za javnu nabavku, **Izvještaj broj 73-33-4-1217-6 od 26.01.2026.godine**, za postupak **„Nabavke materijala i sanacije unutrašnje i vanjske rasvjete na više lokacija KCUS-a”**, nakon provedenog konkurentskog zahtjeva sa Obavještenjem o nabavci broj 893-7-1-560-3-1102/25 od 18.12.2025.godine i provedenog postupka e-aukcije od 22.01.2026.godine da se donese Odluka o izboru najpovoljnijeg ponuđača i okvirni sporazum o nabavci u trajanju od **12 (dvanaest) mjeseci** dodjeli ponuđaču **Credibil Company d.o.o. Sarajevo**, u iznosu od **19.970,00 KM bez PDV-a**, u skladu sa dostavljenom ponudom broj 001-01-E/26 od 12.01.2026.godine (KCUS broj 10-11-3-1073 od 12.01.2026.godine), odnosno prema jediničnim cijenama iz navedene ponude koje su srazmjerno umanjene u iznosu od **28,68% **** u provedenom postupku e-aukcije.

Osnovni elementi okvirnog sporazuma:

- Vrijednost okvirnog sporazuma: **19.970,00 KM bez PDV-a + PDV 3.394,90 KM = 23.364,90 KM sa PDV-om;**
- Cijena je nepromjenjiva za cijeli ugovoreni period u trajanju od **12 (dvanaest) mjeseci** odnosno do utroška maksimalne vrijednosti zaključenog okvirnog sporazuma i izražena u KM;
- Plaćanje ugovorenih obaveza vršit će se odgođeno u roku od 60 dana od dana ispostavljanja fakture;
- Rok za isporuku roba/materijale maksimalno 30 (trideset) kalendarskih dana od dana potpisivanja pojedinačnog ugovora po okvirnom sporazumu i zaprimanja narudžbenice od strane ugovornog organa;
- Garancija za kvalitet isporučenih roba i materijala iznosi 24 (dvadeset i četiri) mjeseca od dana isporuke;

II

Izabrani ponuđač **Credibil Company d.o.o. Sarajevo**, sa sjedištem u ulici Teheranski trg 5., 71 000 Sarajevo, nije dostavio dokaze u sklopu svoje ponude kojima se potvrđuje vjerodostojnost izjave o ispunjavanju uslova iz člana 45. Zakona o javnim nabavkama („Službeni glasnik BiH”, broj 39/14, 59/22 i 50/24), te je dužan u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ne starije od 3 mjeseca računajući od momenta predaje ponude.

III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a.

OBRAZLOŽENJE

U skladu sa Odlukom o pokretanju postupka javne nabavke broj 73-11-3-43521-1 od 16.12.2025.godine, pokrenut je postupak za **„Nabavku materijala i sanaciju unutrašnje i vanjske rasvjete na više lokacija KCUS-a”**. Procijenjena vrijednost nabavke iznosi **28.000,00 KM bez uračunatog PDV-a**, uz zaključenje okvirnog sporazuma na period od 12 (dvanaest) mjesec, a sredstava su planirana Planom javnih nabavki za 2025.godinu, pod klasifikacijom **Robe, redni broj 166.** (Odluka o izmjenama i dopunama Plana JN KCUS-a za 2025.godinu, broj protokola 65-04-2-22494 od 03.07.2025.godine). Uslovi plaćanja predviđeni za postupak nabavke su odgođeno plaćanje 60 dana po ispostavljenom računu (na osnovu akta Sektora za finansijsko, knjigovodstvene i planske poslove br. 56-11-3-5515 od 12.02.2025.godine).

Prema tenderskoj dokumentaciji predmet nabavke je nabavka materijala i sanacija unutrašnje i vanjske rasvjete na više lokacija KCUS-a, a kriterij vrednovanja ponuda je najniža cijena. Na osnovu obavještenja objavljenog na portalu e-nabavke od 18.12.2025.godine tendersku dokumentaciju za postupak javne nabavke preuzelo je 23 (dvadeset i tri) potencijalna ponuđača, a do vremena naznačenog u Obavještenju o nabavci broj 893-7-1-560-3-1102/25 do 13.01.2026.godine do 09:30 sati na Protokolu KCUS-a blagovremeno je dostavljeno 5 (pet) ponuda, što je evidentirano i Zapisnikom o zaprimanju ponuda broj 73-33-4-1217 od 13.01.2026.godine:

Red. br. ponude	Naziv ponuđača	Ponuda broj i datum	KCUS broj, datum i vrijeme prispjeća ponude	Zbir jediničnih cijena bez PDV-a (KM)
1.	E – Strom projektni biro d.o.o. Sarajevo	133-26/001 od 06.01.2026.godine	10-11-3-1066 od 12.01.2026.godine u 11:35	28.000,00
2.	Credibil Company d.o.o. Sarajevo	001-01-E/26 od 12.01.2026.godine	10-11-3-1073 od 12.01.2026.godine u 12:10 h	28.000,00

Red. br. ponude	Naziv ponuđača	Ponuda broj i datum	KCUS broj, datum i vrijeme prijepjeća ponude	Zbir jediničnih cijena bez PDV-a (KM)
3.	KMS d.o.o. Sarajevo	26-190-1 od 13.01.2026.godine	10-11-3-1169 od 13.01.2026.godine u 08:09 h	27.999,88
4.	Elektrocentar Petek d.o.o. Tuzla	UP0007-26-JN od 09.01.2026.godine	10-11-3-1175 od 13.01.2026.godine u 08:26 h	27.999,99
5.	SPOT 97 d.o.o. Sarajevo	1301-T-1/26 od 13.01.2026.godine	10-11-3-1200 od 13.01.2026.godine u 09:05 h	28.000,00

Analiza dostavljenih ponuda

U skladu sa zahtjevima definisanim tenderskom dokumentacijom koje treba da ispune ponuđači da bi stekli uslove za dalju kvalifikaciju u javnom nadmetanju, Komisija imenovana Odlukom broj 01-04-4-867 od 09.01.2026.godine, je detaljnom analizom dostavljene dokumentacije za predmetni postupak nabavke, Zapisnikom o pregledu i ocjeni ponuda broj 73-33-4-1217-4 od 19.01.2026.godine konstatovala **da sve dostavljene ponude ispunjavaju formalno-pravne zahtjeve**, ali je u daljem toku evaluacije ponuda kao i računске provjere ustanovila **da od 5 (pet) dostavljenih ponuda 3 (tri) ponude ispunjavaju sve uslove tražene tenderskom dokumentacijom**, odnosno da su ponude ponuđača **Credibil Company d.o.o. Sarajevo, Elektrocentar Petek d.o.o. Tuzla, i SPOT 97 d.o.o. Sarajevo ocjenjene kao PRIHVATLJIVE** i iste mogu učestvovati u daljem toku natjecanja, dok je ponuda ponuđača **E – Strom d.o.o. Sarajevo**, ocjenjena kao **NEPRAVILNA**, a ponuda ponuđača **KMS d.o.o. Sarajevo**, ocjenjena kao **NEPRIHVATLJIVA** iste **ne mogu učestvovati u daljem toku natjecanja**.

U skladu sa navedenim Komisija je donijela slijedeće zaključke:

1. Podaci o pojašnjenju, u skladu sa članom 68. stav (3) Zakona:

Tokom postupka pregleda i ocjene ponuda primijenjen je institut pojašnjenja u skladu sa članom 68. stav (3) Zakona.

Naime, detaljnom računskom provjerom dostavljenih ponuda Komisija je:

➤ U ponudi ponuđača **SPOT 97 d.o.o. Sarajevo**, u priloženom Obrascu za cijenu ponude - Aneks 2 ustanovila da je imenovani ponuđač naveo ukupnu cijenu sa popustom u iznosu od 32.760,00 KM bez PDV-a pri čemu je kao iznos popusta naveden iznos od 4.760,00 KM, dok je u ostalim Aneksima i to Aneksu 1 i Aneksu 4 naveo cijenu sa popustom u iznosu od 28.000,00 KM bez PDV-a, stoga je Komisija izvršila računsku provjeru Tehničke specifikacije – Aneks-a 3 i ustanovila da je ispravan iznos od 28.000,00 KM bez PDV-a, koji je unesen u sklopu Aneksa 1 i Aneks-a 4 – Prijedloga okvirnog sporazuma, uz pretpostavku da je ponuđač u Aneksu 2 - Obrascu za cijenu ponude na mjesto popusta greškom unio iznos PDV-a. Obzirom na navedeno Komisija je imenovanom ponuđaču uputila Zahtjev za ispravku računске greške broj 73-33-4-1217-2 od 14.01.2026.godine na šta je ponuđač SPOT 97 d.o.o. Sarajevo, potvrdno odgovorio u datom roku i potvrdio da je ukupan iznos njegove ponude **28.000,00 KM bez PDV-a**.

➤ U ponudi ponuđača **KMS d.o.o. Sarajevo**, u priloženoj Tehničkoj specifikaciji – Aneks-u 3 ustanovila greške u stavkama 1, 4, 5 i 6, odnosno greške u iznosima nastale pri množenju količina i jediničnih cijena koje je imenovani ponuđač naveo u dostavljenoj specifikaciji pri čemu je za:

- Stavku 1. umjesto navedenih 5.263,50 bez PDV-a trebalo da stoji 5.265,00 KM bez PDV-a
- Stavku 4. umjesto navedenih 580,80 bez PDV-a trebalo da stoji 581,00 KM bez PDV-a
- Stavku 5. umjesto navedenih 580,80 bez PDV-a trebalo da stoji 581,00 KM bez PDV-a i za
- Stavku 6. umjesto navedenih 1.083,43 bez PDV-a trebalo da stoji 1.083,44 KM bez PDV-a

Shodno ukazanim greškama koje je ponuđač između ostalog naveo i u Obrascu za cijenu ponude – Aneks-u 2 mijenja se ukupni iznos ponude imenovanog ponuđača, tj. umjesto navedenih 27.999,88 KM bez PDV-a treba da stoji 28.001,79 KM bez PDV-a. Obzirom na navedeno Komisija je imenovanom ponuđaču uputila Zahtjev za ispravku računске greške broj 73-33-4-1217-3 od 14.01.2026.godine na šta je ponuđač KMS d.o.o. Sarajevo, potvrdno odgovorio u datom roku i potvrdio da je ukupan iznos njegove ponude **28.001,79 KM bez PDV-a**.

2. Podaci o ispravkama, ukoliko su isti uočeni u ponudi i koji su urađeni na način da su vidljivi (ispravljeni podaci moraju biti vidljivi), potvrđeni potpisom ponuđača i sa datumom izvršene ispravke

Nije bilo podataka o ispravkama.

3. Naziv i sjedište ponuđača čije ponude se odbijaju na osnovu rezultata pregleda i ocjene ponuda, i obrazloženje:

Pregledom ponude ponuđača **E – Strom d.o.o. Sarajevo**, Komisija je konstatovala **da ista nije dostavljena u skladu sa zahtjevima tenderske dokumentacije odnosno tehničke specifikacije**, jer je uvidom u istu konstatovala da je imenovani ponuđač u dijelu koji se odnosi na Napomenu u tehničkoj specifikaciji koja glasi: „*Za sve stavke u tehničkoj specifikaciji u kojoj se navodi tip/šifra proizvoda, a nije navedeno "ili ekvivalent" ponuđač može ponuditi ekvivalent. Ugovorni organ navođenjem tipa proizvođača proizvoda u specifikaciji ne preferira nabavku istog, nego je uzeo karakteristike tog tipa i proizvođača iz razloga što iste odgovaraju potrebama Ugovornog organa. Ukoliko ponuđač za traženo ponudi ekvivalent u obavezi je za navedenu stavku u sklopu ponude dostaviti i tehnički list proizvođača kojim dokazuje da ponuđeni ekvivalent zadovoljava karakteristike traženog, a ako*

isto ne dostavi smatrat će se da ponuđač nudi specificirani proizvod sa navedenim karakteristikama (tip/proizvođač), za stavku u Aneksu 2 i Aneksu 3. pod rednim brojem 4. ponudio ekvivalent u vidu svjetiljke SYLVANIA LED GY6.35 V4 300 lm 827 SL za koju je dostavio i tehnički list.

Komisija je izvršila detaljnu analizu i uporedbu usklađenosti između traženih i dostavljenih tehničkih listova LED svjetiljke i konstatovala slijedeće:

➤ **Nazivna radna struja:**

Traženo: 400 mA
Ponuđeno: 365 mA

➤ **Potezna (startna) struja:**

Traženo: 4,78 A
Ponuđeno: 8 A

Ponuđena svjetiljka ima značajno veću poteznu struju, što može dovesti do preopterećenja napajanja i nepovoljnog utjecaja na pouzdanost sistema.

➤ **Svjetlosni tok:**

Traženo: 470 lm
Ponuđeno: 300 lm

Ponuđena svjetiljka ostvaruje približno 36 % manji svjetlosni tok u odnosu na traženi, što rezultira znatno slabijim osvjetljenjem.

➤ **Zaključak**

Na temelju provedene analize utvrđeno je da ponuđena svjetiljka **SYLVANIA LED GY6.35 V4 300 lm 827 SL nije tehnički ekvivalent** traženoj svjetiljci. Neusklađenost u **svjetlosnom toku** i **poteznoj struji** predstavlja eliminatorne tehničke razlike, zbog kojih ponuđena svjetiljka ne zadovoljava tražene tehničke specifikacije.

Iz navedenih razloga ponuda ponuđača E – Strom d.o.o. Sarajevo, je ocjenjena kao NEPRAVILNA i ista se ne uzima u dalje razmatranje.

Pregledom ponude ponuđača **KMS d.o.o. Sarajevo**, Komisija je konstatovala računске greške u istoj što je već ranije obrazloženo, te za isto uputila Zahtjev za ispravku računске greške broj 73-33-4-1217-3 od 14.01.2026.godine na šta je ponuđač KMS d.o.o. Sarajevo, **potvrđno odgovorio u datom roku i potvrdio da je ukupan iznos njegove ponude 28.001,79 KM bez PDV-a.**

Iz navedenih razloga ponuda ponuđača KMS d.o.o. Sarajevo, je ocjenjena kao NEPRIHVTLJIVA jer navedeni iznos nakon prihvatanja ispravke računске greške prelazi planirana, odnosno osigurana novčana sredstva ugovornog organa za predmetnu nabavku i stoga se navedena ponuda ne uzima u dalje razmatranje.

Imajući u vidu navedeno, te da je za ovaj postupak javne nabavke planirano provođenje e-aukcije u skladu sa Pravilnikom o uslovima i načinu korištenja e-aukcije (Službeni glasnik BiH br. 80/23), a na osnovu analize ponuda Komisija je konstatovala da od 5 (pet) dostavljenih ponuda 3 (tri) ponude ispunjavaju/zadovoljavaju tenderske zahtjeve u pravnom, ekonomskom i tehničkom smislu i stoga predlaže da se **zakaže e-aukcija** sa ponuđačima **Credibil Company d.o.o. Sarajevo, Elektrocentar Petek d.o.o. Tuzla, i SPOT 97 d.o.o. Sarajevo** kako slijedi:

Red. br. ponude	Naziv ponuđača	Zbir jediničnih cijena bez PDV-a (KM)
1.	Credibil Company d.o.o. Sarajevo	28.000,00
2.	Elektrocentar Petek d.o.o. Tuzla	27.999,99
3.	SPOT 97 d.o.o. Sarajevo	28.000,00

E-aukcija je zakazana za 22.01.2026.godine u 10:00 sati i provedena je putem portala www.ejn.gov.ba i to u skladu sa Pravilnikom o uslovima i načinu korištenja e-aukcije (Službeni glasnik BiH 80/23).

Tabelarni pregled ponuda nakon okončane e-aukcije:

Nabavka materijala i sanacija unutrašnje i vanjske rasvjete na više lokacija KCUS-a						
Početak postupka: 22.01.2026.godine u 10:00 sati / Završetak postupka: 22.01.2026.godine u 10:58 sati						
R. br.	Naziv ponuđača	IDB/JMB	Početna cijena u KM bez PDV-a	Konačna cijena u KM bez PDV-a	Umanjenje cijene	Rang
1.	Credibil Company d.o.o. Sarajevo	4200451080001	28.000,00	19.970,00	28,68% **	1
2.	SPOT 97 d.o.o. Sarajevo	4200146440006	28.000,00	19.980,00	28,64% **	2
3.	Elektrocentar Petek d.o.o. Tuzla	4201699140007	27.999,99	27.999,99	0 %	3

Obzirom da je u navedenom postupku nabavke zadovoljena transparentnost, Komisija jednoglasno daje prijedlog Ugovornom organu putem **Izveštaja broj 73-33-4-1217-6 od 26.01.2026.godine**, da se nakon provedenog konkurentskog zahtjeva sa Obavještenjem o nabavci broj 893-7-1-560-3-1102/25 od 18.12.2025.godine i provedenog postupka e-aukcije od 22.01.2026. godine za „**Nabavku materijala i sanaciju unutrašnje i vanjske rasvjete na više lokacija KCUS-a**“ donese Odluka o izboru najpovoljnijeg ponuđača i okvirni sporazum o nabavci u trajanju od **12 (dvanaest) mjeseci** dodjeli ponuđaču **Credibil Company d.o.o. Sarajevo**, u iznosu od **19.970,00 KM bez PDV-a**, u skladu sa dostavljenom ponudom broj 001-01-E/26 od 12.01.2026. godine (KCUS broj 10-11-3-1073 od 12.01.2026.godine), odnosno prema jediničnim cijenama iz navedene ponude koje su srazmjerno umanjene u iznosu od **28,68% **** u provedenom postupku e-aukcije.

Prijedlog Komisije je prihvaćen i donijeta je odluka kao u dispozitivu.



GENERALNI DIREKTOR KCUS-a

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri, te u skladu sa izmjenama i dopunama Zakona o javnim nabavkama, („Službeni glasnik BiH“, br. 50/24), Žalitelj je obavezan dostaviti validan dokaz o plaćenju naknadi za pokretanje žalbenog postupka

Dostaviti:

- Ponuđačima
- Služba za javne nabavke
- a/a KCUS